

STJÓRNARTÍÐINDI A 18 — 1973

16. júlí 1973.

253

Nr. 78.

AUGLÝSING

um breyting á forsetaúrskurði frá 14. júlí 1971 um skipting starfa ráðherra.

Eftir tillögu forsætisráðherra hefur forseti Íslands í dag gert þá breytingu á forsetaúrskurði frá 14. júlí 1971 um skipting starfa ráðherra, að Birni Jónssyni eru falin þau ráðherrastörf, sem Hannibal Valdimarssyni voru falin í nefndum úrskurði.

Þetta birtist hér með þeim, sem hlut eiga að máli.

Í forsætisráðuneytinu, 16. júlí 1973.

Ólafur Jóhannesson.

Guðmundur Benediktsson.

9. júlí 1973.

Nr. 79.

AUGLÝSING

um staðfesting forseta Íslands á breytingu á reglugerð fyrir Háskóla Íslands, nr. 76/1958, með áorðnum breytingum.

Forseti Íslands féllst hinn 2. júlí 1973 á tillögu menntamálaráðherra um að staðfesta eftirfarandi breyting á reglugerð nr. 76 17. júní 1958 fyrir Háskóla Íslands, með áorðnum breytingum:

1. gr.

Núverandi 44. gr. verður 46. gr. Á undan greininni kemur fyrir sögn: C. Tannlæknadeild. Greinin orðast svo:

Kennsla, rannsóknir og nám í tannlæknadeild, svo og um stjórn deildarinnar.

A. Hlutverk deildarinnar.

1. Kennsla í tannlæknisfræði og skyldum greinum.
2. Rannsóknir í tannlæknisfræði og skyldum greinum.
3. Kennsla tannlæknakandidata, eftir því sem tilefni og ástæður gefast til.
4. Ráðgjöf um heilbrigðismál á sviði tannlækninga fyrir stjórnvöld.

B. Inntökuskilyrði.

Auk almennra skilyrða í 29. og 31. gr. gilda eftirfarandi inntökuskilyrði:
Af þeim stúdentum, sem innritast í tannlæknadeild og standast fyrsta árs

próf skulu jafnan sex þeir efstu á ári hverju öðlast rétt til áframhaldandi setu í deildinni.

Séu tveir eða fleiri með sömu einkunn og gera þarf upp á milli þeirra um rétt til áframhalds gildir stúdentsprófseinkunn.

Stúdentar, sem ekki ná setu í deildinni, mega endurtaka próf næsta ár eða láta fyrra próf gilda og keppa við nýstúdenta á jafnréttisgrundvelli.

C. Stjórn deildarinnar.

Stjórn deildarinnar er í höndum deildarforseta, deildarráðs og deildarfunda.

Deildarforseti hefur umsjón með störfum deildarinnar og er í forsæti á fundum, en varaforseti í forföllum hans. Deildarforseta skal kjósa á deildarfundi úr hópi prófessora til tveggja ára í senn. Varaforseti skal kosinn á sama hátt til tveggja ára.

Deildarráð skal vera deildarforseta til aðstoðar við afgreiðslu mála. Í því eiga sæti auk deildarforseta og varaforseta einn prófessor og einn kennari, sem rétt á til setu á deildarfundum. Enn fremur einn fulltrúi tannlæknanema tilnefndur til eins árs af aðalfundi félags þeirra.

Nýtt deildarráð tekur til starfa í upphafi skólaárs. Fundi skal halda í deildarráði eigi sjaldnar, en einu sinni á mánuði á kennslutímanum og oftast, ef þörf krefur. Deildarfundur getur þó komið í stað fundar í deildarráði að mati deildarforseta.

Deildarforseti boðar til deildarráðsfunda með dagskrá. Fundir eru því aðeins lögmætir, að minnst þrjár fulltrúar séu viðstaddir. Falli atkvæði jöfn í deildarráði ræður atkvæði deildarforseta úrslitum.

Deildarráð hefur úrslitavald í öllum málum, er deildina varða öðrum en þeim, er tilgreind eru í málsgrein um deildarfundi. Þá má vísa máli til deildarfundar, ef deildarforseti eða minnst tveir deildarráðsmenn óska þess, og hefur þá deildarfundur úrslitavald í því máli.

Deildarforseti sér um að haldin sé fundargerðabók. Dagskrá og fundargerðir skulu sendar þeim, sem sæti eiga á deildarfundum.

Deildarfundur skal halda þegar tilefni er til, þó eigi sjaldnar en einu sinni á misseri. Þá skal boða til fundar, ef rektor eða minnst þriðjungur deildarmanna, sem rétt eiga á fundarsetu, æskja þess.

Deildarfundi sitja fastráðnir kennarar deildarinnar, auk tveggja fulltrúa stúdenta, sem kosnir eru af aðalfundi félags þeirra.

Deildarfundur er ályktunarfær, ef hann sækja eigi færri en helmingur atkvæðisbærra manna. Nú eru atkvæði jöfn, og ræður þá atkvæði deildarforseta, eða þess, er gegnir forsetastörfum. Deildarforseti skal boða til funda bréflega með dagskrá og viku fyrirvara.

Deildarfundur hefur úrslitavald í þeim málum, sem til hans kann að verða vísað frá deildarráði. Á honum er kosið í deildarráð og ákvörðun tekin um embættaveitingar. Enn fremur er þar tekin endanleg ákvörðun um tillögur varðandi breytingar á gildandi kennslufyrirkomulagi og námsreglum.

D. Kennslutími.

Kennsluárið skiptist í tvö misseri.

Haustmisseri er frá 26. september til 27. janúar, þar af er kennslutími tólf vikur eða frá 26. september til 20. desember. Vormisseri er frá 28. janúar til 31. maí, þar af er kennslutími tólf vikur eða frá 28. janúar til 30. apríl. Halda má æfingánámskeið utan þess tíma.

Námsár frá innritun til lokaprófs eru sex, og skiptist námið í þrjá aðalhluta. Prófi skal lokið í fyrsta og öðrum hluta eigi síðar en fimm misserum eftir að nám er hafið í hvorum hluta. Heildarnámstími má ekki vera lengri en sjö og hálf ári hið lengsta.

Er frestur er útrunninn, skal má nafn stúdents af stúdentatali. Nú innritast hann að nýju, og er gildi fyrri prófa þá fallið. Undanþágu má þó veita vegna veikinda eða annarra forfalla, lögmatra að dómi deildarráðs, með samþykki háskólaráðs.

E. Kennsla.

Kennslan fer fram í fyrirlestrum, samtölum, umræðuhópum, með sýningum og verklegum æfingum.

Námsreglur.

Deildinni er heimilt, með samþykkt deildarfundar að setja reglur um skyldu stúdenta, meðan á námstíma stendur, til þess að ljúka tilteknum verkefnum, halda seminarerindi og skila ritgerðum um afmörkuð efni.

2. gr.

Núverandi 45. gr. verður 47. gr. og orðast svo:

Próf í tannlæknisfræði.

Kandidatspróf í tannlækningum skiptist í þrjá aðalhluta:

Prófgreinar fyrsta hluta:

1. Efnafræði. Próf er skriflegt og verklegt. Hljóti stúdent lægri einkunn en 7 í skriflegri efnafræði, telst hann ekki hafa staðizt prófið.
Stúdent skal hafa lokið prófi í efnafræði áður en hann segir sig til prófs í öðrum greinum fyrsta hluta. Einkunn í skriflegri efnafræði telst til aðaleinkunnar kandidatsprófs.
2. Lífisfræði og lífefnafræði. Einkunn ein.
3. Líffæra- og vefjafræði. Einkunn ein.

Prófgreinar annars hluta:

4. Preklinisk tannfylling. Tvær einkunnir, önnur fyrir fræðilega, hin fyrir verklega frammistöðu.
5. Preklinisk gervitannagerð. Tvær einkunnir, önnur fyrir fræðilega, hin fyrir verklega frammistöðu.
6. Formfræði tanna. Ein einkunn. Tekið er tillit til verklegrar frammistöðu.
7. Meinafræði og sýklafræði. Einkunn ein.
8. Lyfjafræði. Einkunn ein.

Prófgreinar þriðja hluta:

9. Tannfylling og „endodonti“. Tvær einkunnir, önnur fyrir fræðilega, hin fyrir verklega frammistöðu.
10. Heilgóma- og partagerð. Tvær einkunnir, önnur fyrir fræðilega, hin fyrir verklega frammistöðu. Próf venjulega háð í lok fimmta misseris í kliniskunámi.

11. Krónu- og brúargerð. Tvær einkunnir, önnur fyrir fræðilega, hin fyrir verklega frammistöðu.
12. Sérhæfð handlæknisfræði. Tvær einkunnir, önnur fyrir fræðilega, hin fyrir verklega frammistöðu.
13. Tannholdssjúkdómar. Tvær einkunnir, önnur fyrir fræðilega, hin fyrir verklega frammistöðu.
14. Tannrétting. Tvær einkunnir, önnur fyrir fræðilega, hin fyrir verklega frammistöðu.
15. Barnatannlækningar. Tvær einkunnir, önnur fyrir fræðilega, hin fyrir verklega frammistöðu.
16. Röntgenfræði. Ein einkunn.
17. Almenn lyflæknisfræði. Ein einkunn.
18. Almenn handlæknisfræði. Ein einkunn.

Hljóti stúdent lægri einkunn en 7 í einhverjum hluta (fræðilegum eða verklegum) eftirtalinna greina, telst hann ekki hafa staðizt prófið. Þessar greinar eru 4, 5 og 9 til 15 að báðum meðtöldum.

Stúdent getur ekki hafið nám í klíniskum greinum fyrr en hann hefur staðizt próf í 4 og 5.

3. gr.

Núverandi 46. og 47. gr. verða 44. og 45. gr.

4. gr.

Í stað fyrirsagnarinnar „C. Lagadeild“ á undan 48. gr. kemur: **D. Lagadeild.** Bókstafsroð síðari deildakafla breytist til samræmis við það.

5. gr.

Reglugerðarbreyting þessi öðlast þegar gildi.

Í menntamálaráðuneytinu, 9. júlí 1973.

Magnús T. Ólafsson.

Arni Gunnarsson.